



UKA 2015/40

Randi Vestergaard Evaldsen

22. oktober 2015

Danskit ilinniarnermi siuariartornissaq pillugu nutarterinerat ilinniagaqartunut nunatsinneersunut Danmarkimi najugaqartunut danskit ilinniagaqarnermi tapiissutigisartagaannit pissarsisinnaatitaasunut sutigut aalajangersimasutigut qanoq kinguneqarsimaneranik misilittagaasimasut pillugit danskit naalagaaffianni pisortanut paasisassarsioqqullugit Naalakkersuisut peqquneqarnissaanik Inatsisartut aalajangiiffigisassaattut siunersuut.

(Inuit Ataqtigiit Inatsisartunut ilaasortaataat)

(Siullermeernera)

Demokraatini nuannaarutigaarput paasillugu Ilinniartitaanermut, Kulturimut, Ilisimatusarnermut Ilageeqarnermullu Naalakkersuisup, Danmarkimi ilinniarnermi siuariartornissaq pillugu nutarterineranut atatillugu kalaallit Danmarkimi ilinniagaqartut ajornartorsiortinneqalersinnaanerata eqqumaffigilluarmagu.

Paasillugu nuannerpoq Ilinniartitaanermut, Kulturimut, Ilisimatusarnermut Ilageeqarnermullu Naalakkersuisup maannagaaq Ilinniartitaanermut ministereqarfik attavigereersimammagu kalaallit ilinniagaqartut atugaat oqallisigiumallugu aamma Demokraatini upperilluinnarparput, Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoq tulluarnerpaajusoq Danmarkimi ilinniartut atugaasa pitsaanerpaamik iluarsiviginissaannut qularnaarisussatut.

Siunnersuutip Ilinniartitaanermut, Kulturimut, Ilisimatusarnermut Ilageeqarnermullu ataatsimiititaliami suliarineqassasoq innersuussutigaarput.